



Uc 4150

~~24~~



sidr0011426

Biblioteka Jagiellońska

Uc 4150



1. Oratio Cromeri pro auctoritate ecclesiae.
2. Casimiri Vngari auf Pörsön.
3. Confederationis Articuli.
4. De Polonica electione.
5. Abrogandae Vngarischer.
6. Rudolphi II oratio.
7. Oratio nomine Johannis III.
8. Szigy Sigmund.
9. Consilium de recuperanda pace Polonicae.
10. Morientis Poloniae servandae ratio.
11. Petrus P. Buxupski Wierzbicki.
12. Lub Casimiri Litvinski etc.
13. Electio Saxoniae Electoris.
14. Von Kluysen Wapen Stabs, Major.
15. Manifest des Prinzen de Conty.
16. Datum in curia Varsoviensi.
17. Flotta über den Prinzen Alexander aufgezogen, Manifest.
18. Pierre Meisewitz à l'Archevêque de Suéde.
19. Dr. Ezariffus Maj. Demonstration.
20. Consilium de recuperanda pace Polonicae.
21. Oratio de rebus Polonicae.
22. Von dem Kluysen Patrologus.
23. Election de Stanislas Leszczyński.
24. Instrumentum Denunciationis.
25. Ein Brief von dem Polen und der Völkerrüst betreffender Brief.
26. Theodor Potocki Manifest.
27. Leopold auf dem.
28. Ein Brief von dem kaiserlichen Krayen.
29. Ein kaiserlicher Brief.
30. Ein jährige Confederation.
31. Gravamina.

7.1

AD REGEM, PROCERES, EQUI- TESQUE POLONOS IN Comitijs Varfauiensibus congre- gatos, Martini Cromeri Epistola elegan- tissima.

ADDITVM CARMEN MIRÈ
eruditum ad eundem Regem
Poloniae.

ANNO DOMINI.
M. D. LVII.

AD REGEM,
PROCERES, EQUI-
TESQUE POLONOS IN

Comitijs Varſauientibus congregatos,
Martini Cromeri Epistola.



EM VIRTUTE VESTRA DIG-
nam, & moribus maiorum ue-
strorum consentaneam facitis,
REX inclyte, & uos Proceres,
Equitesq; Poloni, quod uobis
religionem Dei opt. max. cu-
ius ope regnum hoc septum
barbaris gentibus tandiu stat
incolume, inprimis curæ esse ostenditis. Qua in re
quantum extiterit semper studium maiorum ue-
strorum, dicerem, si uos ignorare existimarem. Ex
eo quidē tempore, quo ij Christo Iesu Deo, & ser-
uatori nostro populariter nomina dedēre, eiusq;
sanctissimas leges atq; cerimonias à multis alijs
populis longè antè susceptas, & eius ipsius numine
per continuam multorum seculorum successionē
ab ipsis usq; Apostolorum temporibus conserua-
tas, sibiq; ad extremum, cum Deo placuit, non tam
scriptis, quàm uiuis uocibus quasi per manus tra-
ditas suscepēre: ex eo inquā tēpore dimoueri se ab
ijs nunquam passi sunt: Quarum alias qualdā gen-
tes minus tenaces fuisse non ignoramus. Quo uerò

A 2 cæteris



VHs 004028037

cæteris quoque hominibus testatius facerent, omnia pro retinenda ac defendenda, quam semel suscepissent, religione se facere et pati paratos esse, stringere non gladios, quibus præcingebantur, cum Evangelium, quæ lex Christi est, publicè in templis legi inciperet, soliti esse memorantur. Nec id signis & uerbis profitebantur magis, quàm re præstabant. Vltro enim & alacres arma sumebant contra barbaras gentes, sicubi eas, quamuis longè à se, nomini Christiano graues & infestas imminere senserant. Itaque & cum Prussis atque Lithuanis & consanguineis suis Pomeranis olim, priusquam eæ gentes Christo nomina dedere, multa gesserunt bella, non tam de imperio, quàm de religione: & regnante apud se Vladislao Iagellone, cum Vitoudo Lituanorum duce in intimam Tartariam expeditionem suscepere. Et uerò eodem Iagellone & filijs eius Vladislao & Cazimiro regnantibus non modò in Valachiam, & ad Brailouiam, Danubiumque, uerumetiam in Thraciam usque armati contra Turcas penetrarunt, ut Valachis, Rascijs, Bulgaris, atque Græcis laborantibus subuenirent. Quid igitur? an uos degenerastis ab hac uirtute maiorum uestrorum? Minimè uerò. Nam ut mittam recetiores quasdam expeditiones in Vngariam & Austriam regnante nuper optimi & benignissimi huius regis patre diuo Sigismundo, à uobis eodem studio & uoluntate susceptas, istud certe studium uestrum, quo sanctissima Christi instituta, infelici hac

hac nostra, atque etiam superiori ætate cupidorum et ambitiosorum hominum partim incuria, partim improbo studio uel cõtaminata, uel suppressa uindicare cupitis. Neque enim cum his sentio, qui uel odio, uel inuidia, uel ambitione cuiusquam, & potentiae authoritatisque contentione hæc agi suspicantur. Istud igitur studium uestrum eò maioris est pietatis, quo magis perniciofa sunt religionibus praua & impia dogmata, quàm arma: propterea quod hæc quidem corpus modò petunt, in animam, in quo sita est religio, nihil iuris habent: illa uerò rectas de Deo, deque cultu ac cerimonijs eius opiniones, quæ Respublicas quoque maximè conseruant, tollunt ex animis, & pro his barbaricam quandam feritatem ingenerant: qua fit, ut relaxatis semel audaciae ac temeritatis habenis, sibi quisque placeat, alterum non modò contemnat damnetque, uerumetiam pro inimico & hoste ducat. Atque hinc existunt feralia inter homines dissidia, quæ florentissimas etiam Respub. pessundant penitus & evertunt longè facilius, quàm arma hostilia. Quod & pluribus uerbis & non obscuris exemplis demonstrari posset, nisi esset luce meridiana clarius. Iam uerò sicut utilius, ita difficilius est radicatae in animis multorum opiniones, pestilentes praesertim eradicare, quàm hostem non modò ab alienis, uerumetiam à suis finibus arcere. Est igitur si non superior, certè par pietas ista uestra pietati maiorum uestrorum. Videte modo etiam atque etiam, ne cui falso pie-

tatis prættextu imponatur, neu quis pro uera religione pestem religionis & Reipub. superstitionem uel impietatem asserendam & uindicandam suscipiat. Quod quidem iudicium in tot ac tam diuersis & inter se pugnatibus de religione opinionibus longè est difficilimum. Fallit enim (ut rectè inquit Sapiens quidam) uirtum specie uirtutis & umbra, ita ut plurimi cum ad religionis dogmata & instituta disceptanda uentum est, errare, nō pauci scientes uolentesq; falsa pro ueris affirmare, et ad augendas uel stabiliendas opes suas, tegendasue turpes cupiditates & flagitia sua sanctissimo religionis nomine apud imperitam multitudinem facile abuti possint. Vt enim natura omnium hominū quāuis ferorum & barbarorū mentibus quidam de diuino numine eiusq; cultu sensus insitus est, ita certā & absolutam eius cognitionem assequi eā per se ipsæ nequeunt. Idq; intelligens Deus opt. max. ipse cœlitus certissimam sui noticiam cultumq; primū quidem angelorum ministerio, uel secretiore quadam piorum & sibi carorum hominū inspiratione, deinde uerò per filium suum sapientia, bonitate, & potestate sibi parem in uno ferè populo informauit: Ad extremū uerò per discipulos eius, eorumq; successores non modo pietate & integritate uitæ conspicuos, uerumetiam mirabilium & uires humanas excedentium operum parratores per omnes gentes atq; ætates, totumq; orbē terrarum, nequicquam aduersantibus impijs dæmonibus, mirabiliter

liter eam diffudit & propagauit. Et sedulò quidem conati sunt inuidi demones cum ipsi per se, tum per satellites & ministros suos tyrannos errorumq; magistros uel delere penitus ex animis hominum illam ipsam noticiam cultumq; Dei, uel deprauare: sæpeq; hī conatus permissu & arcano quodam consilio Dei nonnullū successum habuere. Nam & ipse ^{2. Corinth. vi.} Satanās transformans se in Angelum lucis, ut inquit D. Paulus, sæpe multos in impias & absurdas de Deo opiniones induxit, uel cultū eius ad se traduxit, nefandisue ritibus & cerimonijs polluit, & ministri eius falsi prophetæ, & magistri mendaces sub specie ministrorum iusticiæ & ueritatis fallentes multos seduxerunt, partim derogando fidem ueræ ac diuinitus proditæ doctrinæ, partim nouis ac dōmi suæ natis interpretationibus eam deprauando, & sua dæmonumue commenta pro ipsissimo Dei uerbo uenditando. Itaq; & in Hebræo populo fuerunt olim, qui dicerent: Hæc dicit dominus, cū ille eos non mitteret, & in Christiano ipsa, quæ mentiri nō potest, ueritas prædixit: Multos in ^{Matthæi 24.} suo nomine uētueros esse, dicturosq; Ego sum Christus, aut, Ecce hic, uel illic est Christus: & multos ab ^{Marci 13.} eis seductum iri. Quod quidem re ipsa etiam impletū esse, nemini dubium est. Iam inde enim à temporibus Apostolorū fuere inter Christianos. Hymenæus, Alexander, Menander, Ebion, Cherintus, ac deinde alij post alios magistri mendaces, se ^{1. Petri 2.} gregantes semetipsos, introducentes sectas per ^{2. Tim. 3.} ditionis,

ditionis, & speciem quidem pietatis habentes, uirtutem autē eius abnegantes. Nec modo quidem desunt cum alibi, tum apud nos eiusmodi pestes: habentq; suos satellites tyrannicos homines mente corruptos, qui ceteros minis, mulctis, ac supplicijs uel inuitos à uera pietate in errorem secum abstrahunt, nonnulli quidem arbitantes obsequium se præstare Deo, cōplures uerò idem duntaxat simulant, sed suum interim negocium agentes uerius, quàm Dei. Quod quidem non tenui quadam coniectura, sed ipsa rei euidētia probari potest. Sed ego ita nunc agam, ut quasi in re dubia, à qua parte stet ueritas & pietas, suum cuiq; de omnibus iudicium saluū relinquam. Certè non idem omnes nunc sentiunt de doctrina, institutis, & ritibus religionis. Non conuenit, ut scitis, multis magnisq; de rebus inter eos, qui se Evangelicos uocant, & qui Papistę appellantur. Inter eos autem qui uolunt esse medijs, & ipsi ab utrisq; dissentiuūt, & in utrisq; multa damnant. Quid uerò isti ipsi Evangelici, quemadmodū uideri uolunt, uerbi Dei siue illustratores, siue uindices? idemne omnes sentiunt? Minimè gentium. Alioqui unde quæso nata sunt nobis tam diuersa nomina, quibus illi inter se distinguuntur, ut alij quidem dici uelint protestantes uel Augustanę cōfessionis: alij Tiguring siue Geneuensis, quos etiam Zuinglianos, & Caluiniānos, & Sacramentarios appellant: Alij Picardi, Anabaptistę alij uocentur? Vnde autem est, quod quidam, quasi fastidien-

tes iam

tes iam hæc uulgaria, partim Osiandri, partim Serueti doctrina & nomine gloriantur? Mitto Russos siue Bulgaros, & Boemos Calixtinos: qui quàm ualde dissentiant ab ijs, quos iam enumeraui, non dico modò, certè ipsi se se ab omnibus segregant, & penes se solos ueram & incorruptam religionem uigere contendunt: à cæteris autem ferè improbat. Sunt & alij præterea, nisi fallor, neq; cum superioribus, neq; inter se ipsi de rebus non parui momenti consentientes, sed nobis adhuc minus cogniti. Et omnes quidem hi uerbo Dei se niti præ se ferunt & asseuerant, sed non eodem id modo omnes intelligunt aut interpretantur: Verum sua quisq; uel à se excogitata, uel undelibet arrepta opinione impensius delectatus, alterius sensum uix, ac ne uix quidem fortasse cognitum, non tam superciliosè, quàm hostiliter damnat. Atq; hinc sanè existunt uulgò neglectus & profanationes cultus diuini cū diuini nominis contumelia conjunctę, exultantibus nobis atq; religioni Christianę, quasi falsę uel incertę duntaxat, Iudæis & Mahometanis. Hinc offensiones mutue & irritationes animorum non solum inter ciues & eiusdem linguę, eiusdemq; iuris homines, uerum etiam inter cognatos et necessarios, citò in extremum florentissimi huius Regni exitium, quod ipsi uos non obscure cernitis, erupturę, nisi celeriter Deus opt. max. & tua, Rex clementissime, ac uestra pariter procures Equitesq; sapientia salutare opem attulerit. Quid igitur factò

B opus

opus est: Vos quidem id rectè sapienti consilio uestro expedietis: dicam tamen & ego quod sentio: Et dicam uerè & ex animo, pro mea in communem patriam fide & officio: uos quæso, benignè ac diligenter attendite. Si de legibus & institutis Reipub. uestre hæc esset controuersia, rationibus & argumentis nō cuiuslibet, sed ijs modò, qui in hac Repub. multum diuèrſati sunt, inter ipsos contendendum ac disceptandum esse censerem, autore Platone clarissimo philosopho, quænam esset recta, & moribus maiorum uestrorū consentanea, & uobis, liberis, posterisque uestris, ac toti Reipub. salutaris sententia: eamq; cū uestris omnium iudicijs et assensu publico esset comprobata, grauius pœnis à uobis sancendam esse iudicaret. Quod si quis communi placito uestro temerè aduersaretur, intelligitis opinor, quæ ibi uestre, quæ magistratuum essent partes. Quin si ego aut quisquam alius uideri uellet indulgentior, meritò metuere deberet, ne laxanda disciplina publica ad perniciem Reipub. hoc eius consilium spectare aliquatenus existimaretur, nèue pro populari, præuicator, pro leni legum patriæq; hostis iudicaretur. Quamobrem? Quia penes uos est omne legum & institutorum ad hanc Rempub. pertinentium arbitrium: Vos quæ huic Regno utilia & salutaria esse iudicatis, providere, in commune consulere, & statuere conuenit. Me meiq; similes non modò priuatos homines, uerum etiam magistratus publicos capessere iussa ac decreta

creta uestra, non meo priuati uel cuiusquam uel paucorum commodo & arbitrio mutare, aut indulgenter præterire, decet: ne si publicè quidem utile id fore uideretur: propterea quod nunquam tantum boni Reipub. conciliari potest unius alicuius paucorumue salute, quantū conſtatur mali, si principis & populi maiestas imminuat, legumq; autoritas ac disciplina publica labefactetur & elanguescat. Etenim utilitas indulgentiæ, etiam si in plures redundet, ad unum quidem tempus pertinet, exemplum uerò præuicationis non modò ad multos homines, sed ad omnes leges, & omne tēpus. Itaq; de Zaleuco, Licurgo, L. Bruto, Manlio Torquato, & alijs quibusdam Græcis, Latinis, atq; barbaris legumalatoribus, aut alioqui principibus et sapientibus uiris cum sempiterna eorum laude memoratur, quòd si disciplinam publicam partim charissimorum liberorum suorum cædibus, partim etiam membrorū suorum mutilatione exilioq; suo sanxerunt, pluris facientes stabilimentum legum, quo rerū pub. salus continetur, quàm ea, quæ mortales in hac uita ducunt charissima. Sed quæsum hæc tam longè repetita? Nempe ut intelligatis, quod tamen per uos ipsi probe intelligitis, quæ uestre omnium, quæue priuati alicuius uel paucorum essent partes, si de ijs rebus esset controuersia, quæ peculiariter ad Rempub. uestram pertinent. Quid igitur, cum de religione eiusq; ritibus ac ceremonijs disceptatur? idemne existimandum est?

Equidem si his de rebus, sicut de illis superioribus placita uniuscuiusque populi propria esse debere, aut omnino posse arbitrari, idem de his, quod de illis uobis faciendum esse censerem. Sed alia longè est religionis, alia Reipublicæ ratio. Hæc sua est cuique genti, illa multis, atque adeo toti terrarum orbi communis: Illa ab hominibus constituitur, hominumque iudicio diuersis pro ratione temporum legibus & institutis temperatur, hæc uero diuinitus constituta certas habet leges & immobiles, quas nulli neque homini, neque populo, ac ne omnibus quidem simul abrogare, antiquare, aut mutare licet: Quod si quis conetur modo, merito impius & sacrilegus habeatur. An non faciunt hoc igitur Pontifices & Episcopi, dicet aliquis? Negant illi: Tu ais. Quis igitur controuersiam hanc dirimet? Verbum Dei, inquis. Recte sanè. Vnde autem id petes? Cœlitus? At procul cœlum abest: Reuelationem ostende, si potes, uerum, ita ut nobis certum sit, eam diuinam esse. Ab authore Christo? At is iam pridem inter mortales loqui desijt. E scriptis prophetis, Euangelicis, & Apostolicis? Non malè, quauis non è solis fortasse, sed matto id modo: Ceterum scriptorum illorum genuinus sensus et interpretatio, de qua est omnis ferè controuersia, penes quem erit? Non penes Episcopos quidem, inquis. Cur obsecro magis penes te tuique similes? At penes hos omnes. Vnde id probas? uideris habere aliquid è sacris scripturis: Sed in easdem salebras nostræ relabetur fermocinatio.

Negabo enim ego, eum esse, quem tu uis, illarum scripturarum sensum. Negas tu uicissim ullam esse in sensu earum percipiendi difficultatem? Cur igitur non conuenit inter nos? Cur non olim inter Arrium & Athanasium, Eunomium & Basilium, Iouinianum & Hieronymum, Donatistas & Augustinum? Cur autem scribit Petrus de Pauli epistolis, quod in ijs sunt quædam difficilia intellectu, quæ indocti & instabiles deprauant, sicut & cæteras scripturas in suam ipsorum perditionem? Sed mitto disputatorem. Ad te Rex, & uos Proceres Equitesque sapientissimi redeo. Nullæ ne igitur uestræ sunt partes in componendo religionis dissidio? Sunt profectò, & magnæ quidem: Sed tamen non arbitrandi & statuendi, quid sequi quemque oporteat: ac ne illud quidem, quæ sit de quaque re congruentior uerbo DEI sententia. De quibus duobus illud quidem iam dixi: nec uos aliter existimatis, ne omnium quidem populorum, nedum unius alicuius esse: hoc uero cuiusnam sit, nondum dico: Sed ut sit uniuersi cætus Christiani, quod quidam contendunt. Vos certè, quamuis non uiles animæ, ut quidam fortassis externi putant, nec in angustissimo & obscurissimo angulo terræ positi, soli tamen Germanis, Vngaris, Boemis, Gallis, Anglis, Scotis, Hispanis, Græcis, Armenis, Moschis, Indis, Aethiopibus, & fortasse multis alijs nationibus & populis christianis præiudicare in eo non potestis, ut uel hic, uel in nationali, quod

ita uocant, concilio statuatis, hoc esse consentaneū
uerbo Dei, hoc non esse. Quota enim pars Christia-
norum nos Poloni sumus? Addam etiam Prussos,
Lituanos, Russosq; si lubet. Alioqui iure illi popu-
li, quos dudum enumeraui, uobiscū expostularent,
1. Corint. 14. sicut D. Paulus apostolus cū Corinthijs: An à uo-
bis uerbum Dei processit, aut in uos solos perue-
nit? Taceo ceteram fratrum uestrorum Equitum
honestissimorum, qui hinc absunt, multitudinem:
mitto mulieres, mitto etiam opificum turbam, &
omnino oppidanos et aratores et pastores uestros,
qui licet nullam huius Reipub. partem capeant,
ceterum quod ad religionē attinet, sciunt in Chri-
Galat. 3. sto Iesu non esse Iudæum, neq; Græcum; non ser-
uum, neq; liberum, non masculum, neq; foeminam:
1. Corint. 1. sed omnes nos unum esse. Nec uos ignoratis, stulta
mundi elegisse Deum, ut confunderet sapientes; in-
firma, ut confunderet fortia, ignobilia & contemp-
tabilia, & ea quæ non sunt, ut ea quæ sunt destrue-
ret. Ne his quidem igitur præiudicare hac in parte
debetis, etiam si possitis. Quod si facere pergitis;
cur non itidem uestro exemplo Srodensis uel Pro-
souiensis, aut si mauultis, totius Masouiæ generalis
conuentus (quos honoris causa nomino) uobis
uniuersis, ac totius Regni comitijs in constituenda
Repub. præiudicet, legesq; condant, quibus cuncti
teneamini: aut à suis & uestris maioribus, quamli-
bet rudibus et rerum imperitis; ut isti nouatores di-
cuntur, conditas arbitratu suo mutet uel interpre-
tetur?

tetur? Aut si numerum spectatis, cur non oppidani
& agricolæ uestri ex uniuerso Regno cœuentes id-
ipsum faciant? Quales quidem fructus, proh do-
lor, istud, quod à nonnullis iactatur, Euangelium
nostra memoria non nusquam germinauit. An hic
satis est, multos esse, & non imperitos legum & re-
rum humanarum, addo & nobiles, si desit publica
& legitima autoritas? Quam quidem uos neq; pe-
nes senatum cū Rege; neq; penes uniuersum maio-
rum uel minorum Polonorum conuentum, etiam
cum Palatinis ac cæteris magistratibus, extra locū
ac tempus comitiorum esse uultis. Cur autem non
modò à terrestribus iudicijs, uerumetiam à collo-
quijs ad re Rex, & ad comitia sunt prouocationes?
Veniant priuatos præteream, inter quos non de-
sunt iuris & iustitiæ consulti, an non habent iudi-
ces & Palatini, quiq; his assident magistratus leges
& constitutiones Regni: an eas non legunt? an non
intelligunt? An obsecro facilius est & cuilibet ma-
gis obuia rerum coelestium, sacrorumq; mysterio-
rum, quæ uerbo Dei continentur, ac mentium, ne-
dum sensuum humanorum captum excedunt intel-
ligentia, quàm de iure uillagiorum, ut uerbis statu-
ti uestri utar, scultetorū, Golotazū, fugitiui cmeto-
nis, ac cæterarū oīm legum uestrarū cognitio? aut
magis cuiusq; refert in his, q̄ in illis falli & errare?
At id q̄dem uel lippis, q̄d aiunt, ac tonsoribus notū
est, hic exiguum quiddam agelli uel fortunarum,
uel iuris personalis; uel deniq; uitam hanc fluxam
& mo-

Luce 8.
Luce 18.
Luce 14.

2. Petri 1.
Ioan. 14.
1. Corinth. 7.
1. Corint. 14.

Galat. 5.

& momentaneam, illic animarū eternam salutem
& beatitudinē periclitari: hæc nō tam cogitatione,
quā sensu cuiusvis percipi, illa si humana aut an-
gelica mente comprehendere potuissent, non fuisse
necesse Deum hominis naturam assumere, docto-
rēq; ueræ iustitiæ, quæ religione cultuq; Dei maxi-
mè continetur, nobis fieri. Ac nihil ille quidem
usquā scriptum reliquit: Verbis modo enarravit,
quæ uoluit, idq; partim promiscuæ multitudini,
partem delectis à se Apostolis. Quibus, ait, solis
datum esse nosse mysteria regni Dei. Et tamen nec
ij omnia, (ne dicam, nihil, quod certè alicubi Euā-
gelista quidam dicere non ueretur) tunc intellexe-
runt, donec ipsemet eis aperuit sensum, ac spiritu
sancto eos impleuit. Quo magistro illi demum &
intellexerunt omnia, & cæteris hominibus partim
uiua uoce, partim literis prodiderūt: Sed ita utrūq;
fecerunt, ut ad eorum dicta scriptaq; penitus per-
cipienda eodē nihilominus interpretare spiritu san-
cto nobis quoq; opus sit: Nisi forte non dico unius
ex ijs D. Petri scriptis, sed communis omnium il-
lorum iuxta ac nostrum præceptoris uerbis fidem
non habemus: At enim putamus, inquietis, quod
& nos spiritum Dei habeamus. Sit ita sanè: Verūm
is, cum & ipse sit Deus, non est dissensionis, sed pa-
cis Deus. Contemnere autem aliorum iudicia in re
præsertim communi, & ad omnes ex æquo perti-
nente, non pacis est uerūm dissensionis: quæ ex
Deo non est, sed ex Diabolo, & inter opera carnis,
quo-

quorum author & effector est diabolus, à D. Paulo
nominatur. Quid autem fiet, si iisdem de rebus di-
uersum à uobis apud se statuunt uicini uestri Ger-
mani? quod quidem non semel his paucis annis fe-
cerunt, cum à uobis & ab alijs populis, tum à se ipsi
diuersa statuentes. Quid si Galli aut Hispani idem
faciant? Quid si uniuersi Christiani populi? scilicet
præponderabunt uestra, omnium illorum iudicijs?
aut desinet esse uerbum Dei, quod uobis fuit antea?
Verūm enim uero, inquiunt quidā, nō erit hæc no-
bis cū quā causa dissidij. Nam nisi quid ab uniuerso
Christianorum cœtu in commune statuatur, po-
stea illud sequemur poti⁹ repudiata priore nostra
sententia: interim autem dum id fit, suo quisq; nos
etiam nostro sensu abundemus, & aliquid hominū
desiderijs indulgeamus, quo eos in cæteris cōcor-
des in officio contineamus. Præclarè uerò & sapiē-
ter. At quā multa fuerint hac una in re peccata?
Primū omnium (ignoscite quæso in libera Repub.
liberè in medium consulenti) arrogantia, ne dicam
temeritas in statuendo ijs de rebus, quæ si non alie-
ni, certè non solius uestri officij sunt, & iam pridem
maturo longè plurium iudicio constitutæ sunt, &
non uestro tantum, aut unius alicuius & alterius
populi, sed multorum, ne dicam omnium, publico
& longo usu approbatæ: Deinde uel pertinacia in
retinendo contra sententiā aliarū gentiū, uel certè
leuitas in mutando, quod semel placuerit: Postre-
mò frustratio eius, quem præ uobis fertis, euentus
C con-

consilij uestri, atq; adeo longè diuersus & contrarius exitus. Quæ enim beniuolentia aut concordia potest esse inter eos, qui non de leui aliqua re, sed de maximis, quamuis liberè & sine ullo metu, dissentire se arbitratur? Religio est enim, quæ animos hominum non solum cū Deo, sed inter ipsos etiam inprimis consociat, & religat. Quæ ubi non eadem est, dissociat ea maximè dissidentium uoluntates & studia, tantum abest ut consociet. Possem hîc disertus esse, si illustrare hoc exemplis cū ueteribus, tū recentioribus uellem. Demonstrarem sanè ex huiusmodi dissensionibus, non dico de summa religionis, uerum de uno aliquo aut altero eius capite, nec eo quidem grauissimo aut euidentissimo, perniciosâ dissidia & capitalia odia cū inter diuersas gentes, tum inter eiusdem linguæ Reipub. ciuitatis, familiæ, domusq; homines sæpe extitisse, & uix multo sanguine, multorumq; ne dicam, uniuersorum interitu restincta esse. Commemorarem ea tempora, quibus furor Arrianorum in Aegypto & Oriente, Manichæorum atq; Donatistarū in Africa, Monothelitarū & Iconomachorū in Græcia, Nouatianorū ipsdem, & alijs in locis, Rusticorū nup authoribus Luthero, Carolstadio, & Zuinglio in Germania grassatus est. Adderem de Russis nonnihil: Sed nō est necesse diutius immorari. Nolite autem putare, statim sedaturos uos esse inquietâ ingenia, si quid eis paululum concesseritis aut indulseritis: accendetis magis, nec ea modò, quæ iā tumultuantur, sed quæ adhuc quiescunt etiam, nec

modò ut quæ iam concupierunt obtineant, sed quæ præterea uidebuntur, quoties libebit, si nō impetrabunt, ut frustra aduersantibus uobis extorqueant. Quis enim statuet modum laxatæ semel licentiæ? Cur aut non cōtendant, aut cur nō ipse sibi sumant quicquid collibuerit, recenti exemplo inuitati, cum uos ipsis quædam nullo exemplo concesseritis? Quæ enim gens, quæ natio, Christiana duntaxat recteq; de religione sentiens, unquam sibi sumpsit dogmatū & ritū ecclesiasticorū cōmutandorū arbitrium? Sumpsere quodam tempore nonnullæ infectæ prauis opinionibus, eodem siue prætextu, siue consilio pacandorū uidelicet animorū, componendarumq; dissensionum inter homines. Nec tñ id sine Episcoporū autoritate: quam in religionis negotio plurimum ualere intelligebant, nec isti Euangelici hodie diffitentur. Quale fuit, cū propter homousion, hoc est, cōsubstantialē, sicut uertunt latini theologi, totus ferè tumultuaretur orbis terrarum, malebant nonnulli principes & populi autoribus episcopis pro homousio homœousion, hoc est æquisubstantialē, ut ita dicam, contentiosis hominibus cōcedere, quàm de uno, (ut uidebatur) uerbo non magis uerbis, quàm armis digladiari: Aut cum Boemi Hussio incentore efferati, diuina et humana omnia sursum ac deorsum miscerent, usurparunt n̄ quidē uulgò, ad stipulante Rochesana Archiepiscopo suo, sacrum calicem, quod inusitatum

C 2 fuerat

fuerat superioribus aliquot seculis, & indulserunt eis, qui Basileę ad concilium congregati erant Episcopi, cum Boemi in eo acquieturi, in cæteris quæ concordēs & in officio futuri esse uiderentur. Quid igitur? Conquieuerunt ne tunc ea indulgentia motus illi uel apud Boemos, uel apud Græcos? Imò efferbuerunt magis, exultantibus nouatoribus, se aliquid quasi iniuste à maiorib⁹ suppressum aut interuersum, ui ueritatis expressisse, & in cæteris etiā institutis maiore deinceps confidentia damnantib⁹ ecclesiam catholicam, quę se ipsa iam in quibusdam damnasse uideretur. Nam qui modus uel hæreseōn, uel turbarū ac tumultuū postea fuit apud utroscq⁹? Nonne Eunomiani, Aeriani, Macēdoniani, Luciferiani, Nestoriani Græciam totumq⁹ orientem postea miserē exercuēre? Nonne Taboritarum & Orphanorum, & Picardorum, & Adamitarum, & nescio quorum non monstrorum furor apud Boemos postea magis exarsit? ita ut ne calicis quidem communio quenquam ab eorum iniurijs, cædibus atq⁹ direptionibus, aut regnum ab ædium publicarum & sacrarum, arcium, oppidorumq⁹ uastationibus & incendijs uindicaret. Hodieq⁹ Boemi, de ijs dico, qui se à ueteris ecclesię societate & institutis præciderunt, calicem quidem mordicus retinent, cæterum de præiudicatis opinionibus nihil remittunt, ac ne ea quidem præstant, quæ receperant: & quanquam suis ipsi uiribus confecti torpent magis, quàm quiescunt, non idem tamen omnes sentiunt,

tiunt, & qui dissident opinionibus, odijs quoq⁹ implacabilibus inter se nihilominus certant. Quid autem aliud nobis quoq⁹ expectandū est, si quid nouarum rerum cupidis indulgendum esse duxeritis? Quid autem eis indulgebitis? Calicem? At quàm multi negant eo sanguinem Christi cōtineri? quàm multi (horreo dicere) calicem dæmoniorum eum esse autumant? nosq⁹ qui uerum ex eo Christi Dei & hominis sanguinem potari profitemur, non solum stultitię aut insanię, sed idololatrię prorsus damnare non uerentur? Sacra uernacula? At quàm multi sunt, qui hæc quoq⁹ contēnunt, imò execrantur, & id magis contendunt, ut nulla sint omnino sacra? Vxores sacerdotibus? At illi partim tollunt sacerdotium, seq⁹ omnes unā cū mulierculis & pueris ex æquo sacerdotes esse asseuerant, partim referre sua negant, cœlibes ne sint, an mariti sacerdotes. Ecquid Germani principes cū christianissimo imperatore Carolo eiusdem modi indulgentia, quod Interim uulgō uocant, in Germania profecerunt? ecquid acceptarunt id, quibus dabatur? ecquid in cæteris conquieuerunt? Cur autem, si ista uos quibusdam indulgetis, nō eodem exemplo Stancarianis etiam promiscua, quamuis leui de causa, diuortia, & noua, quoties collibuerit, prioribus solutis matrimonia: Osiandris derogationē meriti sacrosancti sanguinis Christi: Calvinianis & Sacramentarijs sacramenti eius, quod est omnium præcipuū & saluberrimum, sanctissimi inquam corporis &

C 3 sanguinis

sanguinis CHRISTI profanationem: Seruetianis
maiestatis atq; diuinitatis CHRISTI filij Dei &
Spiritus sancti uel negationem uel imminutionem,
& neq; uos, neq; maiores uestros, neq; ullos pror-
sus populos iam inde ab Apostolorum temporib;
Christianos fuisse: Quibusdam alijs incarnati, ut
ita dicam, uerbi Dei negationem: Picardis & Ana-
baptistis non modò iterationem baptismi, sed &
omnium ciuiliū magistratuum sublationem: Lu-
theranis libertatem humani arbitrij tollētib; om-
nium scelerum impunitatem & legum solutionem:
Cur, inquam, his quoq; hæc omnia, & si qua præte-
rea contendunt, uel deinceps contendēt, pacis &
concordiæ publicæ conseruandæ causa non cōceda-
tis? Exhorruistis horū cōmemoratione? Nec iniu-
ria profectò. Nā quæ maior impietas, aut quæ præ-
sentior pestis Rerumpub. excogitari potuit? Et ta-
men nihil hic fingo: Contendunt hæc illi, ut quæ
maximè: Et facilius est licentiæ principium, quàm
exitū inuenire. Cur autem uos magis in his, quàm
in calice, uxore sacerdotis, & sacris uernaculis reli-
giosi sitis, & maiorum institutis receptisq; antiqui-
tus moribus præiudicare uereamini? Certè his q; dog-
matibus non minus, quàm illis autoritas uerbi
Dei prætexitur, quàm uerè, non dico modò: Illud
dico, Si uos huiusmodi controuersiarum discepta-
tores, & arbitros eorum institutorum, quæ ad re-
ligionem pertinent, semel constitueritis, non defu-
turos esse, qui ista quoq; recta esse & uerbo Dei cō-
sentanea

sentanea subtiliter conclusis ratiunculis, adductisq;
ac detortis scripturæ sacræ testimonijs, uel inuitis
uobis extorqueant. Quod tunc ibi chaos, quæ esset
Babylonica Reipub. uestræ facies, uestro, qd omēn
auertat Deus, & liberorum uestrorum sanguine
expianda? An putatis, quæ plus triginta annis
Germaniam tam miserè diuexant nefanda & im-
pia, & inter se pugnantia dogmata, omnia simul
extitisse? Erratis, si ita existimatis. A reprehenden-
do abusu pontificiarum indulgentiarum orsus est
Lutherus, cum ei pinguis illa offa promulgandarū
earum prærepta esset. Non tollebat initio, imò as-
ferebat etiam receptum antiquitus numerū & uir-
tutem sacramentorum, usum & efficaciam sacrificij
Christiani, merita bonorum operum, autoritatem
episcoporum & pontificis maximi, purgatorium,
curam & preces pro mortuis: Boemos propter hæc
sublata, & propter uulgatum usum calicis repre-
hendebat: Vxores non dabat sacerdotibus & mo-
nachis, quamuis impurum eorum cœlibatum exa-
gitaret. quæ in scriptis eius deprehendere cuiq; li-
cet. Aliquanto posterius contentione & aura po-
pulari elatus, non hæc modò, sed multa alia Eccle-
siæ & Apostolorum, ne dicam CHRISTI ip-
sius instituta labefactauit. Quæ ubi uiderunt eum
secundo populo facere Carolstadius & Zuing-
lius, maiora ausi, studuerunt eum impietate supe-
rare, & sectatores eius pro religiosulis & Papisti-
cæ hypocriseos uel superstitionis non exortibus
dam-

damnarunt. Postea nullus fuit in ea natione, neque est etiam nunc impietatis, contentionum, tumultuum, bellorumque ciuiliū modus & finis. Quid in Boemia superiori seculo? statimne initio sese omnis effudit impietas, & portentosa illa sectarum uarietas? quę quamuis coercita postea legum seueritate, adhuc tamen multis in locis cernitur. Modica fuerunt, & in speciem equa & pia Hussi initia, ab indignitate quadam & odio sacerdotum indignorum eo nomine honoreque profecta. Non mutabat is sacrorum ritus, non dabat uxores sacerdotibus: ne calicem quidem unquam porrexit populo, qui nunc tantopere expetitur. Posterius infinita illa malorum lerna, & multiceps hæreseōn hydra magno impetu cum summa rerum priuatarum atque publicarum perturbatione inuasit in Boemiam, eamque gentem aliquandiu miserè diuexauit. Quid igitur, inquiet aliquis, damnaue tu usum sacri calicis in populo? Ego uerò neque sacerdotum coniugia, neque sacra uernacula: sed nego uestrum esse, his de rebus statuere, maiorumque instituta mutare. Cuiusnam igitur? Dicerem sacerdotum, nisi metuerem inuidiam, domoque allata quorundam præiudicia: Et magnos certè, atque, ut ita dicam, irrefregabiles haberem sententię huius adstipulatores, uel authores potius, non modò Malachiam & Moysen, & alios prophetas Dei, uerum etiam ipsum Dei filium & magistrum nostrum Christum Iesum, eiusque sententię peritos in primis atque tenaces Apostolos, non unum & alterum, sed simul

uniuersos,

Malach. 2.

Deut. 17.

Matthæi 23.

Actuum 15.

uniuersos, perpetuumque superiorum omnium seculorum consensum, et, si his adiungere fas est, istorum ipsorum, quos nunc nouos ueteris scilicet religionis magistros multi sequuntur, indubitata sententiam: qui & ipsi de sacrarum scripturarum sensu, totoque religionis negotio sacerdotum siue episcoporum, quos ipsi ministros uerbi uocant, proprium esse uolunt iudicium. Sed mitto nunc sacerdotes. Si totius Ecclesię, id est, ut uolunt quidam, certè non unius alicuius duorumue ordinum, sed omnium (quod ipsi quique fateri uidentur, necesse quidem habent, si ipsi sibi constare uolunt) non ordinum modò, et sexum & ætatem, uerum etiam populorum. At enim priusquam omnes, qui christiano censentur nomine, populi coeant, & has controuersias definiant, nos dissensionibus intestinis peribimus, inquiunt. Meliora, quęso, ominare. Itane, amice, ex tuo ingenio Deum metiris? Itane facilem & expeditam rationem subueniendi populo suo, quę precioso charissimi filij sui sanguine sibi acquisiuit, excogitare eum non potuisse, aut noluisse arbitraris? Quin ipse eius filius, ipsiusque dextera & sapiëntia, omnibus diebus usque ad consumationem seculi se cum suis fore promisit: ne quis modo ipse sese ab eo subtrahat. Subtrahit autem, quis? quis pacem testamento eius relictam non seruat, rum-
pitque mutuam cum cæteris hominibus concordiam & beneuolentiam, quod ille suorum symbolum esse uoluit. Quis autem id facit? ñne, qui magistratibus à Deo constitutis obsecundat, et receptos à christianis maioribus suis multorumque populorum & seculorum consensu

D &

Matthæi 28.

Ioan. 14.

17.

& usu approbatos mores & instituta tuentur? An qui ea priuata autoritate, ne dicā temeritate sua cōuellunt, & multa nouare student? Hi certē dicere de illis rectē non possunt illud, qđ est apud Ioannē in ep̃la: E nobis prodierūt. Illi uerō his, nō hoc solum, sed etiā quæ sequunt: Sed nō fuerūt ē nobis. Nam si fuissent ē nobis oēs, mansissent utiq; nobiscū. Certē his demū triginta uel quadraginta annis in Germania Luther⁹, Zuingli⁹, Muncer⁹, & qđā alij segregarūt sese, dānato antiquissimo christiani orbis cōsensu, à q̃ prius nō dissenserant. Vultis igit redintegrare inter dissidentes cōcordiā? Nolite qualescūq; (nihil enim nunc refert) sed ueteres tñ dñs in gratiā, nolo dicere inuasorū, sed litigatorū seu petitorū de possessione depellere: Reponite potius per uim eiectos, aut retinentes adhuc possessionē defendite, uel tantisper duntaxat, dum de re tota ab ijs, ad q̃rū iudiciū ea spectat, legitimē cognoscit, si iusti et equi amantes, si pacis & cōcordiæ studiosi, ac non partiū fautores uideri uultis. Alioqui si cuiusquā istorum agrū aut uillā uiolentior quispiam uindicare uolet, nihil prohibebit, quominus in eo qđcūq; ipse ediderit foro causa disceptetur, siue adeo amoto sine disceptatione iuris priore domino, concordiae retinendae causa ille alter in possessionem rei controuersae mittatur, ac tum demum eiectus per quæuis fora de proprietate litigare iubeatur. At hic statim isti uociferarentur, indignū facinus: leges moresq; violari; uel pereat mundus, dummodo fiat iustitia: cœlumq;

cœlumq; terræ miscerent. Cur igit magis æqui sunt in re sua quisq;, quā in aliena? in propria, quā in communi? in priuata, q̃ in publica? & ut ne dicā in humana, quā in diuina, certē in minoris momenti atq; precij, quā in ea, qua salus oīm & singulorū et publica tranquillitas continetur? Cur aut tu Rex sapientissime, uosq; grauissimi senatores, & Equites honestissimi, istorū cōtentione eō uos impelli patimini, ut iuris cū omnib⁹ ordinibus & populis christianis uobis communis disceptationem inter dissidentes, nullo more, nullo probato exemplo, nullo deniq; operæ precio soli usurpetis? uel non cognita etiā causa ipsos in alienā per multas gentes, multaq; secula consentientis ecclesiæ possessionē immittatis? Cur hic non ualent leges cōcordiæ charitatisq; christianæ, si fortē indignum cuiquā uidetur teneri legibus conciliorū & canonibus ecclesiasticis? Cur nō interdictū illud, qđ ualet in priuatis causis apud oēs gentes, quæ non prorsus expertes sunt humanitatis? *VTI POSSIDETIS, ITA POSSIDEATIS*. Hæ uestræ sunt partes in componendo hoc religionis dissidio: hoc uestrū officiū. Hic, hic uos, inq;, p̃ceres & equites unā cū Rege mitissimo maiorū uestrorū uirtutem & pietatē imitamini, eosq; non adæquare modō, sed etiā supare cōtēdite. Quid igit ij fecerūt in simili causa? Antē centū annos cū tumultuaretur sectarum & religionis dissidio Boemia, sicut nunc tumultuatur Germania, multumq; opus haberet, ac uterentur etiam Boemorū armis et auxilijs maiores

uestri cōtra uim & potentiā Teuthonū Crucigero-
rū, regnū hoc & Lithuanīā diuexantiū, cumq; mul-
ti nostrates nobiliores etiā & potentiores, eorū cō-
suetudine (ut sit) deprauati, eadē dogmata p̄fiterēt,
& p̄pagare in hoc Regno conarent, disputatumne
est in comitijs de cōtrouersis dogmatib⁹ & ritibus.
Nequaquā. Efflagitatū ne nationale, qđ uocant, cō-
ciliū. Ne id quidem. Indultū ne quicq; nouarū rerū
cupidis. Multò minus. Imò ne Regū qđem ab illis
ipsis Boemis ultero oblatū acceptū est, non aliam ob
causam, q̄ p̄pter diuersam religionē, quāuis id non
tam utilitas publica suaderet, q̄ necessitas p̄pemo-
dū exigeret. Imò etiā bellū eis denunciātū est, ni re-
sipiscerent, & ad Ecclesiæ catholicæ societate redi-
rent. Et aduersus Boemos qđem ita nunc se gessere
maiores uestri. Quid aduersus ciues & indigenas?
lenioresna fuere? Imò uerò conuentu instituto, &
cunctis Regni ordinibus adhibitis, summo consen-
su obstrinxerunt n̄ suam quisq; fidem & honorem:
SI QVIS INDIGENA REGNI HVIVS HABENS IN
IPSO REGNO BONA, HAERETICALES ERRORES
(agnoscite confederationis uerba) FACERE AUT
PROMOVERE VELLE. De quibus aut̄ hæresibus
et erroribus id intelligendum est. Nempe de ijs, qui
tunc regnante Vladislao Iagellonis filio ē Boe-
mia importabantur. Præfatur enim lex. CONSIDE-
RATIS NONNVLIS DISORDINATIONIBVS,
QVAE IN IP SO REGNO POLONIAE SVBORIRI
COEPERANT. Constat autem ex historia illius tem-
poris, nullas alias, nec aliunde tunc subortas fuisse,
quām

quām à quibusdam non obscuris hominibus Boe-
mica labe infectis. Excluditne autem lex quēquam
hoēmaut ordinē ullo privilegio? Imò disertē addit:
CVIVSCVNQVE STATVS, GRADVS, CONDITIO-
NIS, ET PRAEEMINENTIAE FVERINT: Adiungit
etiā: SIVE SPIRITVALES, SIVE SECVLARES.
Quid igitur si quis tale quid ausit? Negant se ei au-
xilīo, consilio, uel fauore patrocinari uelle. Et hoc
quidem: adduntq; ETIAMSI SANGVINE, AFFI-
NITATE, ET QVACVNQVE PROPINQVITA-
TE FORENT NOBIS AUT ALICVI NOSTRVM
CONIVNCTI. Sed prouehuntur etiā longius: NEC
PRO EIVS LOQVI VOLEMVVS ALIQVOD VER-
BUM, inquiunt. Ac ne hoc quidem satis est: Sed: IN
EORVM DESTRUCTIONEM CONSVRGERE, EOS-
QVE ET QVEMLIBET TALEM PVNIRE SE VEL-
LE PROMITTVNT ABSQVE DOLO ET FRAVDE.
Opietatem illius temporis. O disciplinam, o con-
sensum & constantiam maiorū uestrorum proceres
& equites. Addam etiā, O sapientiam. Intellige-
bant illi, fundamentum esse rerū publicarum Reli-
gionem: qua non dico euersa aut mutata, sed labe-
facta duntaxat aut in dubium reuocata, concidere
illas necesse esset. Itaq; nullo respectu priuatarū ne-
cessitudinū, nullo metu uel potentiæ cuiusquam
uel dissidiorum, grauissimis poenis & suis ipsi fide
& honore, quibus homini ingenuo nihil est anti-
quius, religionis maiestatem santiebant, & extirpa-
re nascens malū uel cum charissimorum suorum
piculo malebant, quām indulgentia sua alere. Quid
igitur? Eademne nunc à uobis seueritas exigitur?
D 3 Non

Non peccaret opinor, si quis diceret: Moribus antiquis stat res Polona, uirisque: uosque ad maiorum uestrorum leges & instituta seruanda hortaretur: quorum uos per quam obseruantes esse subinde in alijs longè leuioribus causis ostenditis. Et causa quidem iustior etiam est uobis conseruandi ac defendendi placita maiorum uestrorum tanto consensu ac diligentia sancita, quàm illis sancienti fuit: indulgendi uerò iustior illis fuit. Neque enim tantam impietatem tulere illa tempora, ad quantam nunc prouehuntur nonnulli, ita ut non multum à Iudaica ac Turcica abesse uideantur. Sed fuerit illa seueritas illorum temporum, & priscae grauitatis, aut si quis mauult simplicitatis. Non omnia omnibus temporibus, locis, hominibusque conueniunt. Sint sanè nunc iniquiora tempora, quàm tunc fuisse, cum non modò domi nobiles & factiosi homines turbas ciebant, sed foris etiam Germania penè omnis à crucigeris Prusienfibus concitata grauis huic regno imminerebat, Boemijs uel indulgendo ad societatem belli inuitandi, uel aduersando irritandi maioribus uestris erant. Habebant illi tunc arma in manibus: ualebant uiribus reique militaris peritia: grauius Silesios, Morauos, Austrios, Bauaros, Turingos, et Saxones uicinos, atque etiam Ungaros infestabant: & in finibus ferè huius regni castra habebant. Sed maior sanè habeatur huius temporis nostri ratio, quàm illius tunc habenda fuit: Indulgeatur & hic, ut in multis, hominum licentiæ, uel, si mauultis,

mauultis, alicuius ordinis libertati atque prerogatiuis: quas tamen non intelligo quomodo à legibus separare possimus. Remittatur aliquid de seueritate legis illius, non regia uel unius alicuius ordinis constitutione, sed omnium confederatione condita, & fide ac honore omnium sancita, dummodo ne penitus ea laxatis licentiæ frenis antiquetur, aut contraria lege abrogetur. Quanam autem indulgentia temperari ea debeat, tibi id REX clementissime unà cum his cogitandum & æstimandum relinquam. Ego Deum huius Regni protectorem & conseruatorem precabor, ut eam uobis mentem inspiret, qua consilia uestra primùm ad ipsius laudem & gloriam, deinde ad Regni huius et Reipub. salutem, postremò cum ad ordinis equestris amplitudinem, tum ad omnium incolumitatem, & mutuam inter ipsos, atque etiam cæteris christianis populis & nationibus cõcordiam uel stabiliendam, uel redintegrandam dirigantur. Quod si fiet, tunc demum nobis, liberisque & posteris uestris rectè consuletis, & non modò ueræ & constantis pietatis ac sapientiæ, uerum etiam seruatae patriæ laudem ac decus immortale apud omnes gentes uobis comparabitur, & ad longam posteritatem transmittetis: Sin aliter uobis uidebitur, ferendum fortasse nobis erit id quicquid erit: sed uos caute etiam atque etiam, primùm ne domi pro concordia maiorem discordiam propagatis, & foris cæterarum
chri-

christianarum gentium uoluntates & studia, imò et
 auxilia si quando res postularit, à uobis alienetis:
 deinde, ne breui, quibus minimè speratis aut expe-
 ctatis, colla subdatis, & qui nunc uestri ferè ordinis
 Episcopos atq; sacerdotes, religionis cultusq; diui-
 ni quales quales moderatores, dedignamini, pfliga-
 tissimorum nescio quorum Ziscarum, atq; adeò ex
 infima fece uulgi fabrorū, sutorum, et coriariorum
 arbitrio non tantum in religione, uerumetiam in
 Repub. leges duras & intolerabiles uobis imponi
 sentiat: Quod in Boemia quondam, & in Germa-
 nia nuper, & aliàs alibi ex eiusmodi initijs, & in-
 dulgentiā siue coniuentia magistratuum usu uenif-
 se cōstant: Ad extremum, ne isthęc nouandi & mu-
 tandi dogmata & instituta ecclesiastica licentia, si-
 cut olim in Græcia, & uereor ne mox apud quosdā
 uicinos nostros, in barbaricam et Mahometicam
 impietatem, aut fœdā seruitutem desinat. Sed
 mihi terra dehiscat potius, quàm aliquid
 eiusmodi uobis liberisq; uestris,
 & amplissimo huic regno
 ac Reipub. unquam
 eueniat.

ECCLE-

ECCLESIA CATHOLICA AFFLI- CTA SIGISMUNDO SECVN- do Augusto Regi Poloniae.

CARMEN Elegantiss. antebac-
 nusquam editum.

AUTORE BVSTACHIO À KNO-
 belstorff, Custode & Canonico VVar-
 mienfi.

Litera, quæ certam tibi fert Sismunde salutem,
 Scire cupis, cuius sit perarata manu?
 Vera loquar: fidis quæ sum hæcenus usa ministris,
 Et cui pro calamo lingua magistra fuit.
 Nunc quia discordi miscentur cuncta tumultu,
 Inq; leues uentos irrita uerba uolant,
 Zachariæ morem sumpsi: quæ dicere coram
 Lingua minus potuit, scribere iussit amor.
 Da mihi te placidum fili, dulcissime fili,
 Maternas auida suscipe mente preces.
 Mater ego tua sum: charam reuerere parentem,
 Ne pigeat digitis uoluere scripta meis.
 Ipsa ego te genui, genitum lustralibus undis
 Dum recreo, primæ causa salutis eram.

E Vq;

*Vix tibi sacro signabam neclare frontem,
 Te fore iurasti tempus in omne meum.
 Teste Deo, tua sunt audita, notataq; uerba,
 Teste Deoq; mihi credita semper erunt.
 Ambigua quamuis agitent mea pectora cura,
 Et uarijs pulser sollicitudinibus,
 Ne quaesita mei uictoria sanguine sponsi,
 Partaq; de manibus diffuat alma salus.
 Sed tua perpetuum ut uigeant diademata, nonne
 Id merito curae debuit esse mihi?
 Debit, estq; mihi, mea spes Auguste, meumq;
 Delitium, matris gloria, nate, tuae.
 Cur tamen hic trepidem, si uis cognoscere causam,
 Maxime Rex, paucis haec lege, certus eris.
 Decolor ingentem rumor perterruit orbem,
 Sparsa est de factis fama sinistra tuis:
 Sauromatas ueterum sprete pietate parentum,
 Dulce iugum sponsi non bene ferre mei:
 Omnes Albiaco submittere colla Baali,
 Stultaq; ad ignotos uertere uota deos.
 Ipsum adeo Regem, (desit reuerentia falso)
 Ditia damnato subdere regna iugo:
 Querere degenerem sprete genitrice noueram,
 Iamq; nouis passim ritibus esse locum.
 Quod scelus attonitas ut primum perculit aures,
 Frigidiora gelu uiscera matris erant.*

Hor-

*Horrueram (fateor) glacies pertransijt artus.
 Sanguinis heu totum pectus inane fuit.
 Sorbear o citius subito telluris hiatu,
 Obuat et faciem plurima terra meam.
 Quam tua sacra Deus, quam te pie Christe relinquat
 Illa lagellone gloria, spesq; domus.
 Maesta diu dubijs planxi mea pectora palmis,
 Anxiaq; incerti plena timoris eram.
 Quid facerem? metuebat amor, postremaq; magnum,
 Cur semper timeam, secula pondus habent.
 At tuus a primis candor mihi cognitus annis,
 Mixtus et ingenua cum probitate pudor,
 Omnia dexterius miseram sperare iuebant,
 Solamenq; mali grande fuere mei.
 Misimus idcirco claros pietate, fideq;
 Religione graues in tua regna uiros.
 Iamq; subintrabant, quas Isula diues inundat,
 Forsitan et terras iam Lituane tuas.
 Cum mihi, nescio quis, calamum subiecit, et inquit,
 Testis eat curae littera scripta tuae.
 Scribimus: o charam fili non desere matrem,
 Pendet ab auxilio spes tibi magna meo.
 Nescis, heu nescis, quantos discessio motus
 Ista trahat secum? quanta pericla trahat?*

E 2

Natio

Natio nulla quidem mihi tradita sacra reliquit,
 Vindicis est quam non ira sequuta Dei.
 Regia nam qui sceptrum potest firmare, potestque
 Hac eadem forti comminuisse manu.
 Ille opifex rerum, quem Sol, quem Luna ueretur,
 Cuius suas subdunt sidera iussa faces.
 Sic mihi uatidico cecinit ueraciter ore,
 Promissisque ratam iussit inesse fidem.
 Gens, regnumque, tuas quod detrectabit habenas,
 Corruet, euersum fixa ruina premet.
 Dicta fides sequitur, meritas dant omnia poenas
 Oppida, quae pactum deseruere meum.
 Foelices Asiae quondam praediuitis urbes,
 Dum pura colerent sacra deumque fide,
 Nunc ita procumbunt, Sebedae ut stirpis alumnum
 Vix Asiae quisque sacra dedisse putet.
 Graecia sic cecidit, sic fortis Achaia lapsa est,
 Indiaque hoc uno crimine facta nocens.
 Sed quid ego Gangem memoro, aut Mareotia regna,
 Flecte oculos pie Rex ad propiora tuos.
 Aspice uicinas misere concurrere gentes,
 Duraque in aduersos arma tenere uiros.
 Terrigenae ut quondam (uisu miserabile) fratres
 In sua crudeles fata tulere manus.

Sic

Sic intestino rapiuntur cuncta tumultu,
 Ciuiumque omnis sanguine terra madet.
 Quae sprete pietate meas exterminat aras,
 Hei scelus est matris non tolerare iugum.
 Illa ferox multis Germania nota triumphis
 Auspicio gessit praelia quanta meo?
 Fortis erat semper, neque saltem urgere solebat,
 Imperio partas ut retineret opes.
 Inuictas Aquilas Syriae promouit in arcem,
 Ausa Palestino castra locare iugo.
 Sancta dei Assyrio rapuit monumenta Tyranno,
 Tantus amor purae religionis erat.
 Nunc ubi Sectarum furioso ducitur aestro,
 Dissimilis tota est Teutonis ora sibi.
 In mea terribili grassatur uiscera ferro,
 Non gladio dubitet me iugulare suo.
 Mille modos quaerit, quo me mea filia perdat,
 In matrem pietas ista Neronis erat.
 Quod queror exiguum est, audes Germania tandem,
 Audes in summum bella mouere deum?
 Sacrilega cuius dextra (proh) dirius aras,
 Inque pios cineres turpia uerba uomis.
 Saepe quibus sauo Geticus furor igne pepercit,
 Teutonico arserunt templa cremata rogo.

E

Vidi

Vidi ego degenerem populum librare secures,
Vulnificaq; ictus ingeminare manu,
Carnificum ritu correpta stare bipenni,
Atq; tuam gladijs Chrisle ferire crucem,
Sacrilego faciem uenerandam scindere ferro,
Colla, manus, costas, brachia, crura, pedes.
Quid facitis? dixi. Domini hoc uenerabile signum est,
Obruitis, per quod libera turba sumus.
Sic oculos, sic ille manus, sic ora gerebat,
Talis, pro miseris cum moreretur, erat.
Hæc requies, hæc nostra salus, hæc gloria nostra est,
Quam nobis mortem depulit, ipse tulit.
Neue locum quisq; (quanta est patientia Christi)
Nosset, ubi Domini crux reuerenda stetit.
Visa loquor, diras, suspendia turpia, furcas
Hoc ipso statuit gens malesana loco.
Hinc aliquando Palæpaphium pro numine scortum,
Eiecto Domino stabat in æde Venus.
O pietas dignam meritis latura coronam,
Ad stygias quando mœsta ueheris aquas?
Talia Sarmatico si uis, Auguste, sub axe,
Impiaq; in regno monstra uidere tuo,
Leucorei iubeas subeant tua tecta propheta,
Sed quare iubeas? sponte uenire solent.

Iniussi

Iniussi properant, nullo mittente uagantur,
Ingerit heu cunctis se uaga turba locis.
Ipse tuas transmutari mirabere terras,
Gens erit in curas offitiosa nouas.
Ditia principio purgat sacraria diuûm,
Impediant uerbi ne qua ministerium.
Fuluo conspiciat aras rutilare metallo,
Aureaq; in sacro signa manere tholo.
Auratos efferre deos, efferre iubebunt
Argenti fuerit quicquid in æde rudis.
Urceolos, pelues, calices, sacrasq; patenas
Diripere, est primum religionis opus.
Hinc clari radiant sacra si in ueste Pyropi,
Aut Amathistææ, Chrysolitiue faces.
Ad quid perditio hæc? Iude Iscariotis alumni
Clamant, in loculos conijciuntq; suos.
Direptis Adytis, restant æraria Regum,
Incipiunt & opes carpere Fisce tuas.
Iura fori, legesq; nouant, decreta parentum
Stulta uocant, cunctos desipuisse tonant,
Se primos Euangelij producere lucem,
(Sic tenebras lucem nempe uocare solent.)
Adjiciunt plenis mendacia grandia buccis,
Quod libet, hocq; sibi quisq; licere putant.

Plurima

Plurima liberius dicuntur, & omnia sunt,
 Vilia sunt Regum nomina, spreta Ducum.
 Ad frumeas donec dubio plebecula motu
 Corruat, in dominos seditiosa suos.
 Sensit eas sensit totiens Germania pestes,
 Sæpe cadaueribus tabida facta suis.
 Buccina prima feros gladijs præcinxit agrestes,
 Altera Cæsareum est causa ferire caput.
 Tertia principibus cecinit lachrymabile bellum,
 Mutua honoratos trussit in arma duces.
 Exhaustas taceo tot seditionibus urbes,
 Maternus prohibet dicere multa dolor.
 Tunc mea transfadigi gladijs præcordia sensi,
 Visceribusq; dari vulnere dira meis.
 Terribili quando fraterna in prælia motu
 Teutonicos uidi, pro pudor, ire duces.
 Quo ruitis procures? non hic Mahometicus hostis,
 Castra pharetrati non posuere Getæ.
 Vester ades Cæsar, contra quem tristia tela
 Dirigitis: causam religionis agit.
 Vos cupit ad Patrum caulas reuocare, cupitq;
 Certum disidijs constituisse modum.
 Ponite crudeles, Mauortia tela, sarissas,
 Pacem optat pietas, pace iuuanda fides.

• Incre-

Increpuit Stygio sed ubi Bellona flagello,
 Voce pia spreta matris in arma ruunt.
 Victa sed auspicio tandem Germania nostro es.
 Impia adoratus dispulit arma Deus.
 Et dubitabis adhuc funestos pellere fucos,
 Qui tua regna dolo, funere, cæde premunt?
 Parua loquor: cælos adimunt, & limina claudunt
 Lætitiæ mistos non habitura metus.
 Incautis Aconita dato sub melle ministrant,
 Propinant pateris toxica dira suis.
 Hisq; audent Euangelij prætere uerbum,
 Miscentes sceleri nomina nostra suo.
 Impia gens, non illa mei præcepta magistri,
 Non mea mendaci gutture uerba sonas.
 Candida sunt, pacem redolent, quæ spiritus ille,
 Quæ cecinit proles indubitata Dei.
 Mobile circumfers Sathanæ uertigine uulgus,
 Nostra manet constans & sine labe fides.
 At tua Tisiphone sæuis armata colubris
 Dogmata cænofo de phlegetonte tulit.
 Hinc etiam stygio nigrescunt pallida tabo,
 Estq; uenenato semper in ore furor.
 Pœniteat scelerum, dixit mea sola uoluptas,
 Iam uestras feriunt cœlica regna fores.

F

Ponite

Ponite transactæ commissæ piacula uitæ,
Deuoto ueniam poscite uoce Deum.
Radicem tangit iam iam caesura securis,
O subito fructus edite quisq; novos.
Arcta uia ad superos, spinis est obsita, paucos
Accipit, ad Stygios quæ uehit, ampla lacus.
Præripite angustos, uel ui perfringite, calles,
Vim patitur cælum, ui rapienda salus.
Edocuitq; preces, & quo ieiunia ritu
Sint urgenda, & quo dissimulanda modo.
Spargendas præcepit opes, mandauit egenos
Curandos opibus, munere, ueste, cibis.
Talia bis geniti quondam præcepta magistri
Plena uerecundæ religionis erant.
Quæ nunc hæretico sordescunt cuncta Luthero,
Ingreditur latum dum malesanus iter.
Et populum per amœna uicæ compendia ducat
Ad phlegetontæas, tristia regna, domos.
Nanq; pios ritus, nostri mysteria sponsi
Abijcit, informem tollit in astra fidem.
Sola fides decantatur, pia facta silentur,
Hei mihi, pars illis crimen inesse putant.
Dumq; fidem male uestitam iactarier audent,
Et factis tribuunt præmia nulla bonis.

Ecquis

Ecquis sustineat frustra pius esse? sed omnes
In uitium dempta lege modoq; ruunt.
Inficit antiquos lasciuia licentia mores,
Vix spatium, quo iam progrediatur, habet.
Secula cum repeto primaq; ab origine mundum,
In facinus nunq; pronior orbis erat.
Ipsa egomet memini, tum, cum grauis ira Tonantis
Cuncta superfusus sternere uellet aquis,
Mitius humanum fuerat genus, heu mihi quantum
Quotidie in peius secula nostra ruant?
Christe senescenti fer opem ter maxime mundo,
Aut illam iubeas ocyus ire diem,
Horribili quando sonitu fera buccina clanget:
Ite sacros iusti ludicis ante pedes.
Quæ si non celeri properabunt tempora lapsu,
Quàm uereor iustos ne premat illa lues?
Tantus amor scelerum, tanta est insania cunctis,
Crediderim optatam non procul esse diem.
Quò feror in præceps? ad te Sismunde reuertor,
Tu mihi confugium, tu mihi portus eris.
Te rogo per Christum, mea spes, mea uita Secunde,
Adfere non ficta religione fidem.
Quam prima coluere patres ab origine, quamq;
Ille tuus genitor, quam genitoris Auus:

F 2

Auspice

Miezlau *Auspice me quam sarmaticas aduexit in oras*
Nobile qui princeps nomen ab ense gerit.
Ille quidem cæcus matris generatus ab alio
Accepit precibus lumen utrumq; meis.
Corporis & mentis conspexit corpore lucem,
Mente poli summum uidit in arce Deum.
Hi dñj *Expulit idcirco Pircuni numina, Martem,*
Zenoniam, Iessam, cumq; Ladone, Niam.
erāt Po- *Et me Sarmaticum duxit Miezläus in orbem,*
lonorū. *O desiderio tempora grata meo.*
Tum quanto procerum resonabat curia plausu,
Gaudiaq; in cunctis quanta fuisse locis?
Nuda sacrosanctis quando dux pectora lymphis
Præbuit, hunc proceres, hunc imitatur eques.
Inde bona coluere fide mea sacra minores,
Templaq; in innumeris constituere locis.
Addebantq; preces, uotiuq; thura cremabant,
Præsentem miseris nemo negabat opem.
Grande scelus fuerat, dapibus ieiunia sumptis
Rumpere, uel castas praterisse preces.
Nusquam læsa fides, nec amor sceleratus habendi,
Nusquam probra, dolus, stupra, rapina, furor.
Sed pudor & probitas, fraternaq; gratia, candor,
Cum pietate suas hic posuere domos.

Talibus

Talibus auspicijs creuerunt regia sceptrā,
Mitrati terras cum tenuere Duces.
Qui tibi nunc pharetram, Russus submittit & arcum
Sarmata, saepe tuus uictor & hostis erat.
Illa procul falsas, quæ Prussia conspiciit undas,
Sarmaticas proprio milite fregit opes.
Massoueos taceo, Litauos, fortesq; Podoles,
Spontē sua, pie Rex, nunc tua iussa colunt.
Quondam hostes fuerant, sed religionis amore
Sarmatico cupidi colla dedere iugo.
Præsidio sic creuerunt nostro inclita regna,
Præsidioq; etiam sunt retinenda meo.
Ex Ducibus feci Reges, casa sordida cannis
Obsita stabat ubi, splendida tecta uides.
Te quotiens ô chare Deo lagello recordor,
Vix teneo tacito gaudia clausa sinu.
Quantis diuitijs auxiliis hoc nobile Regnum?
Non Rex Sarmatici, sed pater orbis eras.
Gloria magna tua est, tam latas undiq; gentes
Cingere communi te uoluisse iugo.
Sed quod in his unum uoluisti uiuere Christum,
Perpetuamq; fidem, gloria maior erit.
Auspice te primum Litwana in limina ueni,
Accepitq; piā turba prophana fidem.

F 3

Rarus

Rarus erat mystes, qui barbara uerba sonaret,
 Messores pauci, plurima messis erat.
 Ipse renascendos populos pia uerba docebas,
 O bone rex meritis non habituro parem,
 Et Pario addebas ex marmore ditia templa,
 Quæ credas manibus facta fuisse Midæ.
 Hæc, Auguste uides, tot durauere per annos,
 Aucta; stant Regum dotibus, aucta Ducum,
 Te regnante cadent? te dissimulante peribunt?
 Aspitione tuo corruet illa fides?
 O superi prohibite nephas, seruate Lechitas,
 Opprimat inuisos ista ruina Getas.
 Aris quin potius soliti reddantur honores,
 Aspiret uelis mitior aura meis.
 Ne Casimiriades ideo dilecte parentem
 Despice, quod multo semper ab hoste petar.
 Quod casum ruitura miner, similisq; labanti
 In dubijs currat quod mea nauis aquis.
 Illa quidem ualidis iactari sueta procellis
 Tendit in aduersos carbasa laxa Notos.
 Per reuia & Syrtis, oblatrantemq; Charybdim
 Nauigat, æquoreas temnere docta minas.
 Obruta nimbosis cum creditur esse procellis,
 Et sygyjs penitus contumulata uadit,

Tum

Tum plenis tranquilla subit primùm Ostia uelis,
 Salua stat in portu nostra carina suo.
 Qui mihi sidereæ clauēs concedidit arcis,
 Claudere qui iussit, & referare fores.
 Estq; potestatem largitus in orbe supremam,
 Soluere seu cupiam, siue ligare reos.
 Ille meas firma sedes in rupe locauit,
 Meq; supra petram iussit habere locum.
 Præcipiti, dixit, properabunt flumina cursu,
 Vires expedient uentus & unda suas.
 Sed tu perpetuò nullis obnoxia fati,
 Stabis in æternos firma ualensq; dies.
 Tartareæ audebunt diro te allidere portæ
 Turbine, præsidio salua futura meo es.
 Dixit, & ecce ruunt in me uelut impete facto
 Africus & Zephyrus, terribilisq; Notus.
 Horrida tempestas lethalibus aucta procellis
 Agminibus diris uiscera nostra premunt.
 Me face, me ferro sæui pettere tyranni,
 Urgebant laqueos, uincla, uenena, cruces.
 Sed neq; sum ferro, uiuis neq; territa flammis,
 Stabas pro populo Christe benigne tuo.
 Ipse triumphali nec tebas froude coronam,
 Numine firmasti pectora nostra tuo.

F

4

Vidit

Vidit & ingemuit stygiæ ferus arbiter aulae,
Mille mihi laqueos, mille pericla parat.
Nec mora, nec requies, species se uertit in omnes,
Vt quam ui nequijt uincere, fraude necet.
Exciuitq; Herebi nigrum de fauce Simonem,
(Instructus magicis artibus ille fuit)
Carpocratemq; ferum, simul & cum Hebine Cerinthum,
Atq; alios, sed quos dicere longa mora est.
Quorum lernææ superabant uirus Echidnæ,
Sparserunt labijs toxica fœda suis.
Iamq; per immensas serpunt contagia terras,
Pestiferam stillant in mea membra luem.
Nec saltem inficitur populus, plebecula, patres,
Exiguas spernunt hæc aconita casas.
Cæsaris heu penetrant, & magna palatia Regum,
Immunis scelerum regia nulla fuit.
Ipsi etiam, sacra qui uelant tempora mitra,
Portio iacturæ magna fuere meæ.
Horret adhuc animus, quotiens antiqua recordor
Vulnera, cum repeto, quanta pericla tuli.
Atrius, Atrius, Sabellius, Heluidiusq;
Nomina uel solo sunt metuenda sono,
Nunc ubi sunt quæris? stygio torrentur in igne,
Et miseri poenas sine carente luunt.

At mihi

At mihi florentem celebris uictoria laurum
Porrigit, æterno semper honore fruor.
Hæreticos nox atra premit, manesq; profundi,
Me mea lux Christus deseruisse nequit.
Illos uermis edit, mens falsi conscia nunquam
Inmemores sceleris sustinet esse sui.
Me pietas, me læta fides, mens conscia recti,
Me spes, pacificus me comitatur amor,
Illos ambitio, liuor, discordia, luxus,
Perfidia, impietas, rixa, rapina, dolus.
Res loquitur: nec enim solco exprobrare, Secunde,
Quàm cuperem uerbis crimen inesse meis?
Sed manifesta fides, ex fructu noscitur arbor,
Quisquis ades, fructus aspice, certus eris.
Chære Iagellonides precor o circumspice, quæ nam
Imperij facies sit, fuerit ue tui?
Ille tuus, quem nunc amplectitur axis Olympi,
Diuus in Elysia qui sedet arce pater,
Subdidit inuictis latum tibi gentibus orbem,
Quot populos nemo dinumerare potest.
Parrhasio cunctos uix perspicit Arctos ab astro,
Dissimiles linguis, moribus, ingenijs.
Felices, una dum relligione reguntur,
Vnanimiq; colunt mente fideq; Deum.

Non

Non intestino rapiuntur ad arma tumultu.
 Sire pax equites, oppida, rura beat.
 Aspice, diuitijs quantis tua regna beavit?
 Illa quies precibus sæpe retenta meis.
 Casarea de stirpe mirus, sata sanguine regum,
 Facta thori consors est Catharina tui.
 Inde tremunt tua sceptrum hostes, reuerentur amici,
 Inuicti merito nobile nomen habes.
 Tartarus en dextram, Moscus tibi porrigit herbam,
 Dat fidei Valachus seqs suosq; tuæ.
 Præterea nostri quid munificentia sponsi,
 Quod dare debuerat, non tibi, quæso, dedit?
 Cuncta dedit: solusq; tenes, quod quilibet optat,
 Placatus precibus plura dabitq; Deus.
 Tu modò quam teneris didicisti paruus ab annis,
 Fortiter audaci mente tuere fidem.
 Adfere diuinum, quem gens noua ridet, honorem,
 Sentiat inuictas Regibus esse manus.
 Hæresibus quod si faciles laxabis habenas,
 Et scelus in terris hoc patiere tuis,
 Sed meliora precor: non auersare precantem,
 Dignus es altricem, qui tueare tuam.
 Nil dubito, facies: nec enim grauiora uereri
 Igneus, hæc qui me scribere iussit, Amor.

Sic

Sic tibi contingat Getica de gente triumphus,
 Istula det uicto iura Boristenidi.
 Hoc ego te natum genitrix Ecclesia Regem
 Augustum, hoc pietas, Relligioq; petit.

AD CHRISTVM OPTI-
 MVM MAXIMVM
 Pro Christianis Principibus,
 SEBASTIANI SOLIDI
 Rheti Votum.

CHRISTE, Magistratus omnis tu solus imago es,
 In te quod tantum Rex imitetur habet.
 Ut qui sis summi sapientia summa parentis.
 Non errare potes, nil nisi recta facis.
 Quos greges ipse tui Rectores esse dedisti,
 Largiter accendas ignis amore tui.
 Ut longè posita cæcæ caligine mentis
 Aspiciant uultu res propiore piæ,
 Scilicet intenti solum te semper in unum,
 Quæ tua sint, toto pectore iussa colant.
 Non his quod libitum est humano more sequantur,
 Ut uarijs rerum fallit imago modis,
 Fortiter at teneant quæ tu præceperis, ad te
 Præpositum figant et sua cuncta scopum.
 Lite ut posthabita, coniunctis legibus ipsi
 Offitij peragant munera ritè sui.
 Tempora uiuamus nos et tranquilla sub ipsis:
 Dum pax alma solo, dum niget ipsa salo.

AD CHRISTVM OMNIBVS
M. M. A. M. V. M.

REVERENDISSIMO
PATRI

CHRISTO

OMNIBVS

ANIMIS

ET

OMNIBVS

ANIMIS

ET

OMNIBVS

ANIMIS

ET

OMNIBVS

ANIMIS

ET

OMNIBVS

ANIMIS

ET

OMNIBVS

ANIMIS

ET

OMNIBVS

ANIMIS

ET

OMNIBVS

ANIMIS

ET

OMNIBVS

ANIMIS

ET

OMNIBVS

ANIMIS

ET

OMNIBVS

ANIMIS





